

UPA2019-imut malittarisassat atuutsinnerini ersarinnerusumik aammalu aalajangersimanerunissamik Namminersorlutik Oqartussat pigisaanni taamatullu suliffeqarfinni pigisat ilaanniittuni siulersuisunik ilaasortaataqartuni akissarsitinneqartarnerat pillugu politikikkut malittarisassanik aaqqissuussinermi Naalakkersuisut peqquneqarnissaannik Inatsisartut aalajangiiffigisassaattut siunnersuut.
(Partii Naleqqap Inatsisartuni ilaasortaataitai)

Akissuteqaat

(Naalakkersuisut Siulittaasuat)

Aappassaanneerneqarnera

Aningaasaqarnermut Akileraartarnermullu Ataatsimiititaliaq Naalakkersuisut akissarsiaqartitsinermit politikkiata pisortatigoortumik atuutsinneqarnissaa pillugu Partii Naleqqamit aalajangiiffigisassatut siunnersuummut isumaliutissiissuteqarnerannut, Naalakkersuisut qutsavigaat.

Aningaasaqarnermut Akileraartarnermullu Ataatsimiititaliap UKA2019-imi ulloq 2. oktober 2019 siullermeerereernerup kingorna siulersuisuni ilaasortat akissarsiaqartinneqarnerisa pisortatigoortumik atuutsinneqarnera misissorpaa, tassani oqaatigalugu siunnersuut amerlanerussutegaqfigineqartoq. Naalakkersuisut paasivaat Aningaasaqarnermut Akileraartarnermullu Ataatsimiititaliaq isumaqatigiittoq isumaqartoq, Inatsisartuni amerlanerussuteqartut inassuteqaatinik malitseqartitsissappata, 2020-imi upernaakkut ataatsimiinnissamut atatillugu saqqummiisoqassasoq.

Naalakkersuisut ataatsimiititaliap inassuteqaataa isumaqatigaat aammalu aktiaatileqatigiiffinnut Namminersorlutik Oqartussanit pigineqartunut piginnittuunermut politikki pillugit 2020-mi suliaqarnermut atatillugu, akissarsiaqartitsinermit suliarineqarnera ingerlateqqissallugu.